

DODJELA PRIZNANJA VETERANIMA

GIMNASTIKA:

1. VIŠNJA ZELENKA
2. STANKO ZELENKA
3. ŠEVKO OMBAŠIĆ
4. JOVO SEMIZ

ATLETIKA:

1. RAMIZA HARAMANDIĆ

PLIVANJE:

1. ZLATKO VUKOVIĆ
2. MAJO HARAMANDIĆ
3. SARA VUJINOVIĆ

RUKOMET ŽENE:

1. TINKA ZOVKO
2. INDIJANA DAČEVIĆ
3. SANJA DEDIĆ

RUKOMET MUŠKI

1. ZVONKO SERDARUŠIĆ
2. DRAGAN ČOLOVIĆ
3. IVICA DŽEBA
4. LJUBO BEŠLIĆ

POSEBNA PRIZNANJA

ARMIN KARABEG - KARATE KLUB „GAZIJA“

Treće mjesto na svjetskom kupu u organizaciji Svjetske karate asocijacije (WTKA World Championscips) Italija u kategoriji + 75 kg.

MUHAMED HUSIĆ BOKSERSKI KLUB „MOSTAR“

Peto mjesto na Evropskom prvenstvu za kadete u Rusiji što je jedan od najvećih poslijeratnih uspjeha mostarskog boksa.

IVA KLEPIĆ – SVEUČILIŠNI KARATE KLUB „NERETVA“

Na nedavno završenom 37. evropskom prvenstvu u karateu za juniore, kadete i mlađe seniore (U 21) u turskom Izmiru održanom od 05.02. – 08.02. 2010. godine, reprezentativka BiH i članica Sveučilišnog karate kluba „Neretva“ ostvarila je sjajan rezultat osvojivši bronzanu medalju u kategoriji do 47 kg. Iako je ovaj rezultat ostvaren u 2010. godini, Sportski savez Grada Mostara ima obavezu i na ovaj način čestitati našoj sugrađanki na ovom fenomenalnom rezultatu.

NAJBOLJA SPORTAŠICA - MLAĐA KADETKINJA

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješniju sportašicu u konkurenciji mlađih kadetkinja u 2009.godini proglašava **Aidu Hajdar.**

Ime i prezime	Datum rođenja	Klub	Postignuti uspjesi u 2009. godini
Aida Hajdar	26.08.1998.	Karate klub „Mostar“	- Na državnom prvenstvu osvojila prvo mjesto borbe pojedinačno, prvo mjesto kate pojedinačno - Na više turnira u BiH osvojila prvih, drugih i trećih mjesta

NAJBOLJI SPORTAŠ MLADI KADET

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješnijeg sportistu u konkurenciji mlađih kadeta u 2009.godini proglašava Sanina Zukića.

Ime i prezime	Datum rođenja	Klub	Postignuti uspjesi u 2009. godini
Sanin Zukić	20.5.1998.	Tenis klub „Mostar Stari grad“	<ul style="list-style-type: none">- Treće mjesto na zimskom državnom prvenstvu do 12 godina u Širokom Brijegu- Treće mjesto na ljetnom državnom prvenstvu do 12 godina u Banja Luci- Peto mjesto kao član reprezentacije BiH na Kupu nacija- Prvo mjesto na Otvorenom prvenstvu grada Mostara za dječake do 12 godina- Prvo mjesto na Otvorenom prvenstvu grada Banja Luke za dječake do 12 godina <p>Sve ove rezultate postigao je sa 10 i 11 godina u konkurenciji sa dječacima od 12 godina.</p>

POSEBNA PRIZNANJA

PRIZNANJE ZA MEĐUNARODNU PROMOCIJU GRADA MOSTARA

NOGOMETNA REPREZENTACIJA GRADA MOSTARA U NOGOMETU – MLAĐI KADETI

Osvojili drugo mjesto na UEFA turniru u Beču u petom mjesecu, u konkurenciji 24 ekipe. U susretu za prvo mjesto izgubili su tijesno 1:0 od Austrije iz Beča. Svojim izuzetnim ponašanjem i fantastičnom igrom zaslužili su poziv i za naredni turnir koji se održava ove godine u Beču.

PRIZNANJE ZA PODRŠKU I DOPRINOS RAZVOJU I POPULARIZACIJI SPORTA GRADA MOSTARA

SPORTSKO DRUŠTVO „MEDICINAR“

Sportsko društvo „Medicinar“ Sveučilišne kliničke bolnice Mostar već dugi niz godina sprovodi sportske sadržaje namjenjene kako aktivnim sportistima tako i rekreativcima. Također, motiviše uposlenike Sveučilišne kliničke bolnice Mostar i studente Medicinskog fakulteta da se u većoj mjeri bave sportom i promoviše zdrav način života. Uvijek su se rado odazivali svim akcijama koje je sprovodio Sportski savez Grada Mostara, i uvijek su bili na usluzi svim sportistima našeg grada. Iz tog razloga Savez im uručuje ovo priznanje kao dokaz da su sve njihove aktivnosti prepoznate na pravi način i sa željom da se uspješna saradnja nastavi u narednom periodu.

NAJBOLJA SPORTAŠICA - KADETKINJA

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješniju sportašicu u kadetskoj konkurenciji u 2009.godini proglašava Aminu Kajtaz.

Ime i prezime	Datum rođenja	Klub	Postignuti uspjesi u 2009. godini
Amina Kajtaz	31.12.1996	P.K. “ Velež“	<ul style="list-style-type: none">- Na Državnom prvenstvu u Trebinju osvojila prvo mjesto u kategoriji 200 m mješovito- Na Državnom prvenstvu u Trebinju osvojila prvo mjesto u kategoriji 50 m leđno- Na Državnom prvenstvu u Trebinju osvojila dva druga mjesta- Na Državnom prvenstvu u Trebinju osvojila treće mjesto osvojila dva treća mjesta- Na Državnom prvenstvu u Sarajevu Osvojila prvo mjesto u kategoriji 100 m mješovito- Na Državnom prvenstvu u Sarajevu osvojila četiri druga mjesta- Osvojila više trećih mjesta na Državnim prvenstvima- Na mnogobrojnim domaćim i međunarodnim mitinzima osvojila mnogobrojne medalje

NAJBOLJI SPORTAŠ - KADET

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješnijeg sportistu u kadetskoj konkurenciji u 2009.godini proglašava **Petra Zadru.**

Ime i prezime	Datum rođenja	Klub	Postignuti uspjesi u 2009. godini
Petar Zadro	24.2.1996.	Judo klub „Borsa“	<ul style="list-style-type: none">- Balkanski prvak u kategoriji Kadeta na prvenstvu održanom u Turskoj- Državni prvak BiH- Na više međunarodnih takmičenja u BiH, Hrvatskoj, Austriji, Holandiji i Crnoj Gori osvojio prvo mjesto

POSEBNA PRIZNANJA

SONIBOJ SABO – Zrakoplovni klub „Mostar“

14-to mjesto na svjetskoj rang listi. Jedan od glavnih organizatora Mostar kupa tradicionalnog međunarodnog takmičenja u svjetskom kupu, te predavač i organizator mnogih tečajeva iz aeromodelarstva. Priznati sportski radnik i entuzijasta i svakako da će ovo priznanje doći u prave ruke.

MOSTARSKÉ MAŽORETKINJE

Europske prvakinje 2009.godine na prvenstvu održanom u Francuskoj. Također, višestruke viceprvakinje u više disciplina u mlađim kategorijama. Zasiurno veliki sportski ambasadori Grada Mostara, koji na svakom takmičenju na najbolji način predstavljaju naš grad.

NAJBOLJA SPORTAŠICA - JUNIORKA

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješniju sportašicu u juniorskoj konkurenciji u 2009.godini proglašava Alenu Ćemalović.

Ime i prezime	Datum rođenja	Klub	Postignuti uspjesi u 2009. godini
Alena Ćemalović	28.11.1991.	Plivački klub „Velež“	<ul style="list-style-type: none">- Prvo mjesto na Državnom prvenstvu u Trebinju 100 m leđno- Prvo mjesto na Državnom prvenstvu u Trebinju 200 m leđno- 50 m leđno treće mjesto- Međunarodni miting u Beogradu 200 m leđno prvo mjesto- Međunarodni miting u Sarajevo 100 m leđno prvo mjesto- Osvajač mnogobrojnih odličja na domaćim i međunarodnim mitinzima

NAJBOLJI SPORTAŠ JUNIOR

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješnijeg sportistu u juniorskoj konkurenciji u 2009.godini proglašava **Adija Redžića.**

Ime i prezime	Datum rođenja	Klub	Postignuti uspjesi u 2009. godini
Adi Redžić	10.9.1991.	Karate klub „Gazija“	<ul style="list-style-type: none">- Prvo mjesto na Svjetskom cupu u organizaciji Svjetske karate asocijacije (WTKA World Championscips)Italija + 80 Kg- Prvo mjesto Jadran kup 2009. u Puli

NAJBOLJA ŽENSKA - juniorska ekipa

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješniju žensku juniorsku ekipu u 2009.godini proglašava **Rukometni klub „Lokomotivu“**.

Naziv kluba	Sport	Postignuti uspjesi u 2009. godini
R.K.“Lokomotiva“	Rukomet	<ul style="list-style-type: none">- Državni prvaci u kategoriji U 15- Državni prvaci u kategoriji U 17- Viceprvaci države u kategoriji U 19- Prvo mjesto na međunarodnom turniru u Međugorju gdje je učestvovalo 45 ekipa- Prvo mjesto na međunarodnom turniru u Klagenfurtu gdje je učestvovalo 90 ekipa iz cijele Evrope

POSEBNA PRIZNANJA

MARINO MARIĆ – Hrvatki muški rukometni klub „ZRINJSKI“

Zasigurno najbolji poslijeratni rukometaš u gradu Mostaru, koji je svoje prve rukometne korake napravio u HMRK „Zrinjski“. Prošle je godine postao član hrvatskog renomiranog rukometnog kluba „Zagreb“, koji u europskim okvirima predstavlja samu kremu rukometnog sporta.

Kao član Hrvatske reprezentacije osvojio juniorsko prvenstvo svijeta, gdje je proglašen za najboljeg igrača turnira. Bio je član Hrvatske reprezentacije na netom završenom svjetskom rukometnom prvenstvu u Austriji.

NAJBOLJA MUŠKA - juniorska ekipa

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješniju mušku juniorsku ekipu u 2009. godini proglašava **H.M.R.K. „Zrinjski“**.

Naziv kluba	Sport	Postignuti uspjesi u 2009. godini
H.M.R.K. „Zrinjski“	Rukomet	<ul style="list-style-type: none">- Juniorska ekipa „Zrinjski“ generacija rođenih 1990/91 su višestruki prvaci BiH dugi niz godina i to u konkurenciji mlađi kadeti, kadeti (2 puta) i u takmičarskoj sezoni 2009, postali su prvaci u kategoriji juniora.- Prvu ekipu „Zrinjskog“ koja se takmiči u Premijer ligi BiH čini 11 članova ove juniorske ekipe- Njih devet su članovi juniorskih reprezentacija BiH i Hrvatske

POSEBNA PRIZNANJA

FK „VELEŽ“ MOSTAR

U 2009-oj godini ekipa „Veleža“ je u prvom dijelu polusezone 2008/09 u Premijer ligi bila gotovo sigurni putnik u niži rang takmičenja i bila otpisana od mnogih, da bi u nastavku sezone izborila opstanak u društvu najboljih. U takmičarskoj sezoni 2009/2010 prvi dio sezonesu završili u gornjem dijelu tabele sa izglednim šansama za plasman u neka od europskih takmičenja.

ABDULAH IBRAKOVIĆ – F.K. „VELEŽ“ MOSTAR

Ped kraj sezone 2008/09 preuzeo ekipu „Veleža“ u bezizlaznoj situaciji na ubjedljivo zadnjem mjestu, da bi na kraju sezone izborio opstanak u društvu najboljih. U takmičarskoj sezoni 2009/2010 prvi dio sezone je završio u gornjem dijelu tabele sa izglednim šansama za plasman u neka od europskih takmičenja, što bi predstavljao najveći poslijeratni uspjeh „Veleža“. Na izboru za najbolje pojedince u nogometnoj Premijer ligi BiH koji je organizovao sportski portal SportSport.ba proglašen za najboljeg trenera lige u 2009. godini.

NAJUSPJEŠNIJI SPORTSKI RADNIK U 2009. GODINI

Na osnovu Pravilnika za izbor najboljih sportista, sportskih ekipa i sportskih radnika Sportskog saveza Grada Mostara i mišljenja članova žirija, ocjenjivački žiri za najuspješnijeg Sportskog radnika u 2009.godini proglašava **Omera Omerovića**.

Ime i prezime	Sport	Predlagač	Postignuti uspjesi u 2009. godini
Omer Omerović	Rukomet	Rukometni klub „Lokomotiva“	<ul style="list-style-type: none">- Tvorac i trener rukometne ekipe koja je osvojila dva državna prvenstva i jedno drugo mjesto u mlađim kategorijama- Jedan od najzaslužniji ljudi za izgradnju klupskih prostorija u Sjevernom logoru

NAJBOLJI TRENER

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješnijeg trenera u 2009.godini proglašava **Dragana Jovića**.

Ime i prezime	Klub	Postignuti uspjesi u 2009. godini
Dragan Jović	H.Š.K. „Zrinjski“	<ul style="list-style-type: none">- U sezoni 2007/08 sa ekipom „Zrinjskog“ osvojio Kup BiH- U sezoni 2008/09 sa ekipom „Zrinjskog“ osvojio titulu Prvaka BiH- Dvije godine zaredom sa ekipom „Zrinjskog“ nastupao u Euro Kupovima

POSEBNO PRIZNANJE

IVAN ĆUBELA ĆUBI – IN MEMORIAN (1964.-2009.)

Gospodin Ivan Ćubela Ćubi, bard mostarskog i sportskog novinarstva uopće. Pokojni Ivan Ćubela čitav svoj profesionalni i životni put posvetio je novinarstvu, posebice sportskom. Radeći čitav radni vijek kao sportski novinar, pratio je sve mostarske klubove, kako prije rata tako i u poslijeratnom periodu.

Bio je enciklopedist i detaljist, poznavatelj sporta kakav se rijetko susreće. Može se reći kako je na neki način još uvijek bio u cvijetu mladosti. Ivan je kao novinar u svojoj karijeri radio za čak 50-ak medija, što dovoljno govori o tome koliko je bio tražen i koliko je dobro radio svoj posao. U novinarstvu je proveo 25 godina.

I prije Ćubijeve smrti kolege su govorile o njemu isključivo u superlativu, a većini je bio mnogo više od radnog kolege.

POSEBNA PRIZNANJA

GRAD MOSTAR – URED GRADONAČELNIKA I GRADSKO VIJEĆE GRADA MOSTARA – PREDSJEDNIK VIJEĆA

Sportski savez grada Mostara koristi ovu priliku da se zahvali Gradu Mostaru, odnosno uredu gradonačelnika, te Gradskom vijeću grada Mostara na potpori koju su im pružali proteklih godina. Naša je obaveza istaknuti činjenicu da bi bez njihove pomoći i razumijevanja bilo nemoguće postići sve ovo što je Savez postigao u prethodnom periodu. Ne sumnjamo da će svojim daljnjim angažmanom u narednom periodu doprinijeti razvoju i konsolidaciji sporta u našem gradu. Sportski savez Grada Mostara će zasigurno znati odgovoriti zadatku koji mu je povjerio Grad Mostar. A to je vraćanje imidža „sportskog grada“ Mostaru.

POSEBNA PRIZNANJA

BOŽO GAGRO – POSTHUMNO PRIZNANJE ZA IZUZETNOG SPORTSKOG RADNIKA

Poznati poduzetnik i sportski djelatnik Božo Gagro poginuo u teškoj prometnoj nesreći na autoputu Karlovac Zagreb, u bolnici je teškim ozljedama podlegla i njegova supruga Ines. Bože Gagro svim istinskim sportskim djelatnicima ostat će zapamćen kako vrsni atletičar i čovjek koji je utemeljio Atletski klub „Brotnjo“ godine 2005.

Učestvovao je u osnivanju mnogih atletskih klubova u Hercegovini. Između ostalog, uložio je veliki trud da se atletika u gradu Mostaru reaktivira i više je puta nudio svoju, kako materijalnu, tako i stručnu pomoć. Kao potpuni individualac, bez ikakve naknade za svoj rad, trošio je svoje vrijeme i novce za razvoj hercegovačke atletike.

Božo Gagro je čovjek kojeg se može proglasiti atletskim čudotvorcem u Hercegovini, istinskim zaljubljenikom u sport, izuzetnim pedagogom i entuzijastom, ukratko, osobom koja je svojim postupcima oduzimala dah i bila neshvatljiva za većinu nas “običnih smrtnika”.

ANA MARIJA GAGRO – PRIZNANJE ZA NAJHUMANIJI GEST U 2009. GODINI

Velika tragedija zadesila je obitelj Gagro. Nakon što je poznati poduzetnik i sportski djelatnik Božo Gagro poginuo u teškoj prometnoj nesreći, u bolnici je teškim ozljedama podlegla i njegova supruga Ines. Iza bračnog para Gagro ostalo je četvero djece.

No, iako shrvana bolom za roditeljima njihova devetnaestogodišnja kćer Ana Marija Gagro, nakon smrti roditelja odlučila je napraviti iznimno human gest. Ana Marija je liječnicima u zagrebačkoj bolnici rekla da se organi njezinih roditelja doniraju. Kako je za doniranje organa Bože Gagre već bilo kasno, donirani su organi Ines Gagro, čime je spašen bar jedan ljudski život. Gesta koja je zaista sve ljude ostavila bez riječi.

Sportski savez Grada Mostara osjeća obvezu da ovaj nevjerovatno humani gest bude prepoznat na pravi način. Upravo iz tog razloga Upravni odbor Sportskog saveza Grada Mostara izlazeći iz sportskih okvira, želi na jedan simboličan način odati priznanje Ani Mariji na njenoj neizmjerljivoj hrabrosti i ljudskosti.

PRIZNANJA ZA ŽIVOTNO DJELO - Posthumno

MILAN ŠULENTA

Milan Šulenta od rane mladosti je posvećen sportu, posebno fudbalu.

Na školovanje u Zagreb otišao je 1949. godine, gdje brani za brojne amaterske klubove. Kao talentovan vratar, postaje kandidat za čuvara mreže u tada prvoligaškoj Lokomotivi iz Zagreba, ali ga je u tome spriječila povreda koljena.

Po povratku u Mostar, zapošljava se u Pošti i tamo organizuje sportsku aktivnost. Preduzeće s uspjehom nastupa na Radničkim sportskim igrama. To je bio podstrek da, s još nekoliko zaljubljenika, osnuje FK Poštar, koji, krajem 60.tih, postaje jedan od najboljih klubova u Hercegovini. Klub dolazi na prag Druge savezne jugoslovenske lige, ali je, pod čudnim okolnostima, u tome bio spriječen. Kao protest na ta događanja, FK Poštar prestaje s radom novembra 1971., a 1976. godine Milan postaje predsjednik gradskog rivala FK Lokomotiva, u trenutku kada je klub bio u potpunom rasulu.

Za vrijeme njegovog vođenja kluba, sređena je finansijska situacija, stečeno vlasništvo na izgrađenim prostorijama kluba na mjestu nekadašnjih garaža u ulici Jakova Barova Španca 4, gdje se organizuje i tombola. Prihod se ulaže u izgradnju vlastitog stadiona u Rodoču i kupovinu vlastitog autobusa. Klub postaje zavidno infrastrukturno i stručno organizovan i igra značajnu ulogu u Republičkoj ligi BiH sve do nesretnog rata.

Uz aktivnosti u FK Lokomotivi, ogroman je doprinos Milana Šulente izgradnji SC Rodoč, žičare na Rujištu i početku izgradnje sporske dvorane u Centru II, čije je dovršenje rat spriječio.

Za sve što je dao razvoju mostarskog sporta, veliko ljudsko hvala istinskom sportskom radniku i Mostarcu, Milanu Šulenti.

RATIMIR SUTON - PIKA

Ratimir Suton – Pika bio je poznat kao sportaš, jedna od Mostarskih sportskih legendi, a to najbolje potvrđuju sportski uspjesi koje je ostvario, ali prije svega i njegova ljudskost i energija koju je prenosio na sve ljude oko sebe.

Brojne su njegove zasluge posebno za razvoj rukometa u Mostaru, počeo je kao igrač RK „Lokomotive“ gdje se upoznao sa tajnama rukometa, učestvovao je u organiziranju rukometnog kluba „Velež“ gdje je bio i trener. Svoja znanja i vrijeme nije uskraćivao prenositi mlađim generacijama, punih deset godina posvećuje se prenošenju znanja iz rukometa mladim Mostarcima sa oštećenim sluhom.

Ljubav za sve ljude i optimizam Pika je pokazao i u proteklim vremenima, kada je vrlo aktivno radio na uspostavljanju sportskih i prijateljskih odnosa među klubovima i ljudima na ovim prostorima, predao se utemeljenju H.M.R.K. „Zrinjski“ i reaktiviranju R.K. „Velež“.

Kako se sport u Mostaru postepeno revitalizirao tako je i Pika sve više uzimao učešća u njegovom uzdizanju, nemjerljiv je njegov doprinos stvaranju Rukometnog Saveza BiH gdje zauzima mjesto člana izvršnog odbora.

Zalagao se uvijek za korektan i pošten odnos prema sportašu, sportskim djelatnicima i svim ljudima, bio je oličenje kosmopolite, izuzetno human i druželjubiliv čovjek koji je živio za sport.

PRIZNANJA ZA ŽIVOTNO DJELO

FRANJO DŽIDIĆ

Franjo Džidić je rođen 1939 godine u Mostaru. Počeo je sa nogometom 1955. godine. Godine 1958. dogodio se njegov prvi nastup za prvi sastav Veleža i bio je prvi junior iz njegove generacije koji je nastupio za prvu momčad. Okosnica tadašnjeg Veleža bili su: Barbarić, Dilberović, Radiljević, Handžić, Zelenika i Mujić. Najveći uspjeh njegove generacije dogodio se 1966. godine kada su sa zagrebačkim Dinamom podijelili drugo i treće mjesto, dok je tada državni prvak bila FK Vojvodina iz Novog Sada.

U Veležu je igrao do 1969. i tada je otišao u čapljinski Borac gdje je ostao tri sezone.

U profesionalnoj karijeri nastupao je za FK Velež Mostar, NK Borac Čapljina, te NK Mladost Lištica.

U svojoj bogatoj karijeri trenirao je slijedeće klubove :

NK Mladost Lištica, FK Lokomitva Mostar, NK Borac Čapljina, FK Velež Mostar, FK Leotar Trebinje, HNK Šibenik, NK Samobor, HNK Cim, NK Široki Brijeg, HŠK Zrinjski Mostar HNK Redarstvenik Mostar, HNK Ljubuški, nogometna škola NK Široki Brijeg, nogometna škola FK Velež, nogometna škola HŠK Zrinjski

Bio je punih šest godina bio pomoćni trener u Veležu. Asistirao je Vukašinu Višnjevcu, Milošu Milutinoviću i Muhamedu Mujiću, a sa Militinovićem su osvojili kup 1981. godine i to je prvi trofej donesen u Mostar na saveznoj razini. Jednu godinu bio je i nogometni instruktor na nivou Hercegovine, a onda odlazi u Trebinje za trenera Leotara.

U Veležu je trenirao ekipu u kojoj su bili: Kodro, Gudelj, Joško Popović. Bio je ujedno i posljednji trener Veleža prije rata.

Godine 2005. osvaja prvo mjesto u Nogometnoj Premijer ligi BiH i to ulazi u povijest kao prvi naslov šampiona države u nogometu koji je došao u Mostar. Od tada je Zrinjski u samom vrhu i svake godine igra u kvalifikacijama za europska klupska natjecanja. Nakon tog angažmana preuzima nogometnu školu Hrvatskog športskog kluba Zrinjski gdje je i danas. Tu je šef omladinskog pogona. Otkako je u nogometnoj školi, juniori Zrinjskog su stalno u vrhu, osvojili su jedan naslov prvaka države i juniorski Kup Bosne i Hercegovine

MIRSAD DEDA - PAŠIĆ

Mirsad –Deda Pašić rođen je 28.12.1945. godine u Mostaru. Sa aktivnim skakanjem počeo je daleke 1955. godine. Prvi put je skočio sa Starog mosta 28. augusta 1955. godine, kada je imao svega deset godina. Taj skok su Mostarci proglasili fenomenalnim, zbog „gracioznog stila“. Njegova specijalnost bili su skokovi na noge.

Mirsad Deda Pašić je i prvi skakač u Mostaru koji je skočio sa Čardaka.

U službenom natjecanju pojavio se sa 15. godina i najtrofejniji je mostarski skakač. U kategoriji skokovi na noge 11 puta je osvajao prvo mjesto, 3 puta drugo i 2 puta treće mjesto.

Autor je monografije IKARI koja se bavi skokovima, skakačima sa Starog mosta i tradiciji skakanja.

Dugogodišnji je član Organizacionog odbora manifestacije međunarodnih visinskih skokova sa Starog mosta.

Istinska je mostarska sportska legenda koja nastoji svoju ljubav prema skokovima sa Starog mosta prenijeti na mlađe naraštaje.

NAJBOLJA SPORTAŠICA - seniorka

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješniju sportašicu u seniorskoj konkurenciji u 2009.godini proglašava **Klaudiju Marić.**

Ime i prezime	Klub	Postignuti uspjesi u 2009. godini
Klaudija Marić	Tekvondo Klub „Crostar“	- Državna prvakinja - Pet zlatnih medalja na međunarodnim Turnirima BiH, Hrvatska i Slovenija.

NAJBOLJI SPORTAŠ - senior

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješnijeg sportistu u seniorskoj konkurenciji u 2009.godini proglašava **Franju Zadru.**

Ime i prezime	Sport	Klub	Postignuti uspjesi u 2009. godini
Franjo Zadro	Judo	Judo klub „Borsa“	<ul style="list-style-type: none">- Na prvenstvu Balkana za seniore u Nišu osvojio treće mjesto- Na Državnom prvenstvu za seniore u Sarajevu osvojio prvo mjesto- Na Državnom prvenstvu BiH za mlađe seniore U – 23 osvojio prvo mjesto gdje je proglašen najboljim takmičarem Državnog prvenstva- Na Državnom prvenstvu za juniore U – 20 u Trebinju osvojio drugo mjesto- Na međunarodnim turnirima u BiH, Hrvatskoj, Crnoj Gori, Austriji, Srbiji i Engleskoj mnogobrojna osvojio prva i druga mjesta

NAJBOLJA ŽENSKA - seniorska ekipa

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješniju žensku seniorsku ekipu u 2009.godini proglašava **H.R.K. „Katarinu“.**

Naziv kluba	Postignuti uspjesi u 2009. godini
Hrvatski ženski rukometni klub „Katarina“	<ul style="list-style-type: none">- Osvojeno treće mjesto u Premijer ligi- Finalisti kupa BiH

NAJBOLJA MUŠKA - seniorska ekipa

Na osnovu Pravilnika za izbor najboljih sportista sportskih ekipa i sportskih radnika Sportskog saveza Grada Mostara ocjenjivački žiri za najuspješniju mušku seniorsku ekipu u 2009.godini proglašava **H.Š.K. „Zrinjski“**.

Naziv kluba	Postignuti uspjesi u 2009. godini
H.Š.K. „Zrinjski“	- Sezoni 2007/08 osvojili Kup BiH - Takmičarska sezona 2008/09 osvojili Premijer ligu BiH i time stekli pravo nastupa u kvalifikacijama za Euro ligu prvaka - Ostvarili plasman u drugo pretkolo Lige prvaka